



REPUBLIKA E SHQIPËRISË
KOMISIONI QENDROR I ZGJEDHJEVE

Komisioneri Shtetëror i Zgjedhjeve

Data: 21.3.2023

Nr: 190

Ora: 19:00

VENDIM

PËR

**NDALIMIN E ZHVILLIMIT TË VEPRIMTARIVE ME KARAKTER PUBLIK TË BASHKISË
GJIROKASTËR**

Sot, më datë 21.3.2023, unë Komisioneri Shtetëror i Zgjedhjeve, mora në shqyrtim çështjen administrative me:

SUBJEKT: Bashkia Gjirokastër

OBJEKTI: Ndalim i zhvillimit të veprimtarive me karakter publik, të raportuar nga Bashkia Gjirokastër.

BAZA LIGJORE: Neni 19, pikat 1, shkronja “n” dhe 2, neni 92, të ligjit nr. 10019, datë 29.12.2008 “Kodi Zgjedhor i Republikës së Shqipërisë”, i ndryshuar, dhe vendimi nr. 9, datë 24.12.2020, i Komisionit Rregullator, “Për rregullat për raportimin e veprimtarive me karakter publik të institucioneve publike, agjencive dhe/ose ndërmarrjeve shtetërore, kategoritë e veprimtarive të ndaluara, si dhe monitorimin e veprimtarisë, sjelljes dhe përdorimit të burimeve njerëzore, financiare dhe logjistike të administratës shtetërore para zgjedhjeve”,

Në përfundim të këtij shqyrtimi,

KONSTATOJ:

Në datë 20.3.2023, Bashkia Gjirokastër ka raportuar në ndërfaqen e raportimeve të Komisionit Qendror të Zgjedhjeve veprimtaritë publike me objekt:

1. Aktiviteti “Inspektim i punimeve në rrugën e fshatit Zhulat”, për t’u zhvilluar në datë 24.3.2023 ora 12:00.

Data: 21.3.2023 Nr: 190
Ora: 19:00



“Për ndalimin e zhvillimit të veprimtarive me karakter publik të Bashkisë Gjirokastër”

2. Aktiviteti “Diskutim me temë: Për krijimin e një turizmi të qëndrueshëm nëpërmjet 1.Përgatitjes së studentëve për punë/treg të punës digitale 2.Bërja e kompanive atraktive për punonjësit 3.Përmirësimi i cilësisë së jetës në Qarkun e Gjirokastrës 4.Përmirësimi i sipërmarrjes në Qarkun e Gjirokastrës”, për t’u zhvilluar në datë 24.3.2023 ora 10:00.
3. Aktivitet “Diskutim me temë: Për krijimin e një turizmi të qëndrueshëm nëpërmjet 1.Përgatitjes së studentëve për punë/treg të punës digitale, 2.Bërja e kompanive atraktive për punonjësit 3.Përmirësimi i cilësisë së jetës në Qarkun e Gjirokastrës 4.Përmirësimi i sipërmarrjes në Qarkun e Gjirokastrës dhe rolin e programit impact week /program jofitimprurës që pajis gjeneratën e ardhshme për punësim, për t’u bërë lider frymëzues–agro ndërmarrës të suksesshëm, sipërmarrës dhe ndryshues të lojës, pavarësisht nga fusha e tyre apo niveli i ekspertizës”, për t’u zhvilluar në datë 24.3.2023 ora 10:00.

Referuar nenit 92, pikat 1 dhe 2 të Kodit Zgjedhor dhe vendimit nr. 9, datë 24.12.2020, të Komisionit Rregullator, parashikohet se institucionet publike, qendrore dhe vendore, si dhe agjencitë dhe/ose ndërmarrjet shtetërore, janë të detyruara të raportojnë në KQZ të gjitha veprimtaritë me karakter publik që planifikojnë të zhvillojnë në periudhën katër muaj para datës së zgjedhjeve deri ditën e zgjedhjeve.

Përbëjnë veprimtari publike të gjitha veprimtaritë e hapura për pjesëmarrjen e publikut apo të medias, si dhe ato që kanë në agjendë informimin e publikut, në periudhën katër muaj para datës së zgjedhjeve deri ditën e zgjedhjeve. Raportimi në ndërfaqe duhet të kryhet jo më vonë se pesë ditë përpara afatit të planifikuar për zhvillimin e veprimtarisë ose aktivitetit publik.

Qëllimi i raportimeve të veprimtarive me karakter publik të institucioneve publike qendrore e vendore, agjencie, enteve dhe/ose ndërmarrjeve shtetërore, është marrja e masave, monitorimi dhe parandalimi i veprimtarive të ndaluara, sjelljes apo përdorimit të burimeve njerëzore, financiare dhe logjistike të institucioneve qendrore dhe vendore si dhe të administratës shtetërore.

Mosraportimi në kohë i veprimtarisë kufizon mundësinë e Komisionerit Shtetëror të Zgjedhjeve për të vlerësuar nëse përbën veprimtari të ndaluar ose jo.

Për sa më sipër, Komisioneri Shtetëror i Zgjedhjeve, nga të dhënat e paraqitura në raportim ka konstatuar se, aktivitetet e raportuara nga institucioni publik, Bashkia Gjirokastrë, janë raportuar jashtë afatit ligjor, në kuptim të nenit 92 të ligjit nr. 10019, datë 29.12.2008 “Kodi Zgjedhor i Republikës së Shqipërisë”, të ndryshuar.

PËR KËTO ARSYE:

Bazuar në nenin 19, pikat 1, shkronja “n” dhe 2, nenin 92 të ligjit nr. 10019, datë 29.12.2008 “Kodi Zgjedhor i Republikës së Shqipërisë”, të ndryshuar, dhe vendimin nr. 9, datë 24.12.2020, të Komisionit Rregullator, “Për rregullat për raportimin e veprimtarive me karakter publik të institucioneve publike, agjencive dhe/ose ndërmarrjeve shtetërore, kategoritë e veprimtarive të ndaluara, si dhe monitorimin e veprimtarisë, sjelljes dhe përdorimit të burimeve njerëzore, financiare dhe logjistike të administratës shtetërore para zgjedhjeve”,

V E N D O S:

1. Ndalimin e zhvillimit të 3 (tre) veprimtarive publike me datë 24 mars 2023, me temë:
 - a) Inspektim/kontroll,
 - b) Diskutim për turizmin,
 - c) Diskutim për turizmin,
2. Vendosjen e shënimit “Ndaluar nga KQZ” në ndërfaqen e raportimit.
3. Njoftimin e Autoritetit të Mediave Audiovizive të mos lejojë transmetimin apo pasqyrimin në rubrikat e lajmeve apo ato që mbulojnë fushatën në radio dhe televizione.
4. Ky vendim i njoftohet palëve nëpërmjet postës elektronike.
5. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.
6. Kundër këtij vendimi mund të bëhet ankim në Komisionin e Ankimimeve dhe Sanksioneve, brenda 3 (tre) ditëve nga shpallja e tij.

Komisioneri Shtetëror i Zgjedhjeve

Ilirjan CELIBASHI